



**PRIMEIRO  
MINISTRO**

**DECLARAÇÃO GERAL**

**SUA EXCELÊNCIA PRIMEIRO-MINISTRO**

**KAY RALA XANANA GUSMÃO NIAN**

**IHA OCASIÃO 19.<sup>a</sup> CIMEIRA LESTE ASIÁTICO (EAS) NIAN**

Vientiane, RDP do Laos

11 de outubro de 2024

Obrigado, Sr. Presidente, S. Exa. Sonexay SIPHANDONE,  
Ilustres Líderes da ASEAN e Líderes de Países Parceiros,  
S. Exa. Secretário-Geral da ASEAN,  
Senhoras e Senhores,

Ha'u agradece tanba hetan oportunidade atu participa hanesan observador iha reunião importante husi Líderes Leste Asiático nian, no halo observações.

Timor-Leste fó parabéns ba ASEAN tanba promove diálogo ho cooperação kona-ba questões estratégicas, políticas no económicas ba interesse hotu-hotu nian iha Leste Asiático.

Ha'u hakarak hato'o ami-nia gratidão ba Secretário-Geral ASEAN ba revisão abrangente iha Cimeira Leste Asiático, ba nia direção futura no ba progressos nebé hetan ona iha implementação nia Plano de Ação.

Halo hela diálogo ida nebé sólido kona-ba questões urgentes nebé alinha ho ami-nia prioridades nacionais.

Timor-Leste pronto atu envolve an no contribui ba iniciativas regionais nebé centra iha promoção paz ho desenvolvimento.

Aumento iha conflitos ho tensões geopolíticas hanesan preocupação boot ida ba Timor-Leste.

Ami hatene ho experiência rasik katak laiha paz se laiha desenvolvimento.

Timor-Leste mós hamutuk iha apelos konaba resolução pacífica ba conflitos iha Ucrânia no iha Médio Oriente. Ami apela ba respeito ba direito internacional ho manutenção sistema internacional.

Timor-Leste questiona motivo saída mak países balu apela ba “ordem nebé baseia iha regras” iha partes balu iha mundo, maibé iha Médio Oriente lae fali.

Timor-Leste questiona motivo saída mak países balu apoia aplicação seletiva (hili de'it) kona-ba direito internacional, depende ba momento nebé serve sira-nia interesses rasik no restritos.

Kona-ba situação iha Myanmar, ami alinha ho comunidade internacional bainhira apela ba implementação Consenso ho Cinco Pontos ASEAN nian.

Diálogo inclusivo no compromisso ho princípios democráticos mak essenciais hodi restaura paz ho estabilidade nebé dura kleur iha Myanmar.

Kona fali ba Tasi iha Sul da China, Timor-Leste reafirma importância husi diálogo.

Tasi iha Sul da China promove conexões ho solidariedade entre povos ho nações sira iha região, hodi facilita troca cultural, cooperação económica ho integração regional.

Tanba importância husi Tasi iha Sul da China, ita hotu tenke serviço hamutuk hodi fomenta sentido de unidade no objetivo comum, hodi promove cooperação ho paz iha área marítima né.

Ami apoia mós diálogo contínuo ho diplomacia iha Península Coreana, atubele alcança desnuclearização ho paz duradoura, hodi alinha ho comunidade internacional iha esforços atu hamenus tensões no halo hikas negociações.

Atu hakotu, ha'u hakarak destaca compromisso Timor-Leste nian ba colaboração di'ak ho parceiros de diálogo sira hotu iha âmbito ASEAN, hodi hasoru desafios comuns no promove região ida nebé próspera, pacífica ho resiliente.

Ami agradece tanba hetan oportunidade atu participa iha discussões importantes né no hein katak ami bele continua colabora.

Obrigado, Sr. Presidente.

Kay Rala Xanana Gusmão